

清·方略館 編

# 清代方略 全書

北京圖書出版社




清代方略全書

八〇

清·方略館編

北京圖書出版社



清·慶桂等撰

欽定剿平三省邪匪方略

正編卷二四〇——二五〇

清嘉慶十五年（一八一〇）武英殿刻本

欽定剿平三省邪匪方畧正編卷二百四十一

辛酉年

二月二十六日

壬申

長麟奏言竊

臣

前與楊遇春

會剿高馬前股賊匪痛加剿殺僅有餘賊五六

百人已經竄近川省

臣

折回截剿高馬後股賊

匪

臣

回至沔縣時高馬後股已經竄入武關西

溝據留壩褒城等廳縣具報此股賊匪約有七

八百人亦經撫臣陸有仁據稟奏明並據探事

兵勇在武關西溝一帶拏獲逃出難民胡添偉等僉稱高馬後股賊匪原有矛手七百餘人係王凌高胡滄海二元帥管領是前股馬五掌櫃派出要割殺楊提督後尾不想被楊提督殺死五六十人衝散二百餘人只剩三百餘人就在老林內藏匿不敢出來數日後有高二夥內大掌櫃馬應祥因被德大人衝散亦帶矛子手在

老林藏匿彼此相遇合營又在老林內遇著別  
股打散矛手也都會合一處共有矛子手六百  
三十七人又裏脅百姓湊有七八百人竄出老  
林因與前股相約要由黑河過甘肅至四川龍  
安去所以由西溝奔竄大掌櫃馬應祥是馬五  
堂姪都是襄陽起事老教首上年王提督陣亡  
就是馬應祥將其肱膊砍斷等語查馬應祥王

凌高胡滄海均係此股賊匪內最要之犯

臣恨

不能刻卽全數生擒以除元惡惟查武關西溝

綿亘數百里道路紛歧且處處老林可通甘省

雖有兵力只能來往截攔不令西竄必須將該

匪轟出山外方可痛加剿辦

臣

審度情形當派

叅將羅全亮帶兵一千名由西面畧陽境內繞

赴北面高坪場一帶並派把總賈玉成帶領鄉

勇四百名亦由西面繞赴毛壩一帶兩路兵勇  
均自北面向南轟擊並緊顧甘省要路臣帶兵

卽在汚縣沮水及舊州舖一帶設伏俟羅全亮  
等將該匪轟出山外即可乘勢掩殺十二日羅  
全亮等兩路兵勇俱已抄至北面等蹤轟擊該  
匪不能在老林內藏匿卽由何家巖南奔有出  
大安寬川之勢臣卽趕至相距大安十里之大

山背後設伏詎該匪狡猾異常竄至大安溝內二十餘里之黃銅鋪捉獲百姓拷問百姓具以實告該匪不敢遽行出溝忽向北面蔡壩一帶奔竄忽向西南陽平關一帶奔竄自十二日夜至十三日晚該匪旋北旋西毫無定向臣除分撥兩路兵勇入山外所餘兵力不能再分惟有隨時偵探往來兜剿直至十三日二鼓後該匪

突出矢安溝外旋卽竄入對面溝內向東南胡  
家壩一帶狂奔查胡家壩一路又係老林山徑  
險窄馬隊不能前進臣卽派副將蕭福祿遊擊  
宋鉞張聯奎劉滿貴等帶領步隊兵勇連夜跟  
蹤由胡家壩緊追臣帶領馬隊抄赴寧羌鐵鎖  
關迎頭攔截以期兩面夾擊蕭福祿等直入老  
林旋追旋剿途次屢經追及賊蹤詎賊匪穿林

入箐忽聚忽散竄入林內則官兵卽不能知其去向轟出林外該匪等又或數十人或百餘人卽分爲一股四散狂奔總使我兵顧此失彼不能痛剿且晝夜不停奔竄總在二百里以外我兵極力窮追未嘗少後每一追及卽殄戮數十名生擒數十名我兵一面追殺賊匪一面奔跑旣不與我兵拒敵卽賊衆亦彼此並不相顧自

十三日二鼓後至十四日晚我兵除造飯外未  
嘗片刻少息勞倦異常賊匪亦疲憊無狀沿途  
除斬戮生擒外餘匪已不及六百人我兵稍事  
憩息又於十五日三更拔營趕往追剿賊匪探  
知亦卽竄至唐家壩兵勇一齊趕上奮力撲殺  
立斃賊匪一百餘人生擒一百六名奪獲旗幟  
刀矛八十餘件正在趕殺間忽見賊隊內有衆

賊擁護一賊飛奔逃走鄉勇田貴直入賊隊將此賊擒獲衆賊喊叫一齊前來搶奪田貴恐被奪回當將該匪截斃我兵齊往撲殺餘匪零星四散俱入老林逃逸當於擒獲活賊內認出襄陽老教首馬應祥並將截斃賊屍首級令衆賊辨認僉指爲元帥胡滄海其餘各賊竄過老林又復聚合一處竄往紅河子一帶適總兵楊奎

猷聞信帶領兵勇由爐坪趕來截擊殺死賊匪二十餘人生擒四名餘匪不過三百餘人又翻過卦子山老林竄向四川廣元之漆樹崖大紅崖一帶逃逸楊奎猷蕭福祿等仍卽緊追前進

臣

當將馬應祥嚴加審訊自認係襄陽起事教

首打仗殺人不計次數並稱此次被殺之胡滄海係嘉慶二年在陝西與王凌高賈志茂等一

同起事均與高二高三馬五同夥上年六月間  
在西鄉與提督王文雄打仗該犯砍斷王文雄  
胳膊屬實餘供悉與前訊難民胡添偉等所供  
無異惟臣於帶兵趕賊來往奔馳之際所訊供  
詞恐有不實不盡現將馬應祥移解陸有仁覆  
審如無錯悞卽委護理陝安道趙洵將該犯寸  
磔辦理其餘被獲一百零五名內曾世貴等八

十三名均係正賊概行正法其谷文邦等二十  
二名均係在盩厔洋縣城固等處被裹難民各  
有家業可歸當卽解交各該縣查傳親屬領回  
安業至楊遇春等追剿高馬前股賊匪于初五  
日自馬道趕至沔縣又于是夜自沔縣追賊至  
黃官嶺計程四百餘里途次連接兩仗擒斬千  
餘人官兵並未稍停不但步兵實在疲乏卽馬

兵亦均不能馳騁楊遇春恐致賊匪遠遁並不  
少息暫將兵勇留後卽抽帶總兵觀祥卡內兵  
勇仍前緊追經過郭家營將觀祥兵勇遣回卡  
所又抽帶楊奎猷卡內兵勇緊追賊匪晝夜狂  
奔官兵亦寸步不肯稍後每日總在二百里以  
外奔馳過速山路崎嶇以致楊遇春墜馬跌墊  
腰脅幸不甚重仍忍痛疾馳前進於十三日追